




TNC 9297/7963(12)

42564



42564





全芳備祖卷之二十

後集

天

台

陳景沂

編輯

建

安

祝

穆

訂正

農桑部

穀

禾稼 檣黍稷粟粳秫 農田並用

事寔祖

碎錄 農生九穀

鄭司農注

稷秫黍稻麻大小

荳大小麥

周禮

六穀凡王之膳食用六穀鄭司

馬注稻黍稷梁麥苽

周禮

五穀以五味五穀五



藥養其病鄭司農注麻黍稷麥苳同上百穀梁

者黍稷之總名稻者既種之總名菽者衆苳之

總名三穀各二十種為六十蔬果之寔助穀各

二十是為百穀楊泉物理論五穀皆熟為有年

穀梁倣載南畝播厥百穀載芟亟其棄屋其始

播百穀七月穀賤傷農昭帝詔百穀仰膏雨左

傳農植嘉穀呂刑一穀不升曰歉二穀不升曰

饑三穀不升曰饑四穀不升曰荒五穀不升曰

大侵大侵則君食不兼味臺謝不塗百官布而

不割鬼神亦禱而不祠穀梁傳一穀不收謂之

饑二穀不收謂之旱三穀不收謂之凶四穀不

收謂之餽五穀不收謂之饑饑九穀不熟謂之

大侵大侵則大夫以下損祿五分之一旱則二

凶則三餽則四饑饑大侵則盡祿廩食而已墨

子穀不熟為飢仍飢為荐荐連年不熟也爾雅

禾禾嘉穀也二月始生八月而熟得時之中故

謂之禾說文禾易長畝終善且有甫田十月納

禾稼黍稷桂禾麻菽麥注禾者總名黍稷稻梁

芥梁皆名為禾麻與菽麥則無禾稱七月地之

美者善養禾賈山論稼穡禾之秀寔者為稼一

曰在野曰稼說文土爰稼穡注種曰稼斂曰穡

洪範君子所其無逸先知稼穡之艱難無逸稼

穡維寶伐食維好桑柔不稼不穡胡取禾三百

廛兮伐檀若農服田力穡乃亦有秋盤庚我稼

既同七月曾孫之稼甫田大田多稼大田黍稷

禾之枯者為黍亦謂之稼亦田黃黍古今註以

大暑而種故謂之黍說文華黍時和歲豐宜黍

稷也詩豐年多黍多稌詩彼黍離離彼稷之苗

詩黍稷稻粱農夫之慶甫田黍稷非馨明德維

馨君陳祭宗廟之禮黍曰薌合梁曰薌箕稷曰

明馨曲禮仲夏之月農乃登黍是月也天子以

雛嘗黍月令孟冬之月天子食黍與羸月令牛

宜稌羊宜黍豕宜稷犬宜粱內則飯黍稷稻粱

曰黍黃粱糲糲同上亢亢黍苗詩稷五穀之長

也說文粱稷今江東人呼粟為粱爾雅藁赤苗

今之赤粱粟芑白苗今之白粱粟杞黑黍一名

秬黍秠一桴二米秠是黑黍之中一桴兩米者
爾雅青粱穀穗有毛粒青米亦微青而細于黃
白粱也黃粱穗大而長其穀米俱麤于白粱而
收子少白粱穗亦大而長穀粗扁長不如粟圓
也粟米畝田種之甚易春粒細香美陳者或呼
為粢大抵人多種粟而少種粱以其損地力而
收穫少耳粟米比粱乃細而圓本草粳米即人
所常食米有白赤大小異族四五種同一類也
本草秠稌屬也秠稻不粘者然秠稻與糯稻甚

相類粘與不粘異耳江東呼糯為粳刀亂反呼
秠為秠本草秠有再熟之稻吳都賦秠稻之黏
者為秠古今注
紀要 炎帝大庭氏 為地皇作耒耜播百穀
曰神農 月令 疏神農氏之治天下也甘雨以時
五穀蕃殖淮南注黃帝藝五穀史記帝堯之時
有老人擊壤于路曰吾日出而作日入而息耕
田而食鑿井而飲帝力何有于吾哉通鑑帝舜
曰棄黎民阻飢汝后稷播時百穀舜典誕后稷

之穡有相之道生民厲山氏之子能殖百穀故

祀以為稷禮記惟勾龍氏兼食于社而棄為稷

神歷代奉之家語后稷封釐公劉處幽大王遷

邠文王作豐武王治鎬其民有先天遺風好未

稼故幽詩言農桑衣食之本甚備地理志文王

卑服即康功田功無逸農用八政洪範成王春

籍田而祈社稷載芟魯威公三年穀皆熟為大

有年穀梁何以書大有年以喜書也公羊淳于

髡滑稔多辯齊威王八年楚伐齊齊使髡之趙

請救齋金百斤車馬千駟髡仰天大笑冠纓索

絕王曰先生少之于髡曰臣今者從東方來見

道傍穰田者操一豕蹄酒一盃祝曰甌窶滿篝

污邪滿車五穀蕃熟穰穰滿家臣見其所持者

狹所欲者奢故笑之齊王乃益黃金十鎰白璧

十雙車馬百乘髡之趙子精兵十萬楚聞之引

去注篝籠也污邪下田也史記漢文帝親率群

臣農以勸之本記漢文帝問丞相勃曰天下錢

穀一歲出入几何勃謝不知又問左丞相平平

曰各有主者陛下問錢穀責治粟內史本傳景

帝詔郡國務農桑益種植本記武帝始令民入

穀補官郡至六百石本記武帝末年悔征伐之

事下詔以趙高為搜粟都尉本記魏太宗患廩

穀不足私謂主者曰何如答曰以小斛量之太

祖曰善其後軍中謂太祖欺眾太祖謂主者曰

持當借汝死以壓眾不然不可解遂斬于軍中

魏志泰孔子侍坐於魯哀公設桃具泰孔子對

曰夫泰者五穀之長也祭先王以為上盛果有

六而桃為下祭先王不得入于廟丘聞之也君

子以賤雪貴不聞以貴雪賤今以五穀之長雪

果菰之下是侵上雪下也家語鄒衍在燕有谷

地美而寒不生五穀鄒子吹律而溫至今傳名

為黍谷列子禾唐叔得禾異畝同穎獻諸天子

尚書秋大熟未獲天大雷電以風禾盡偃王與

大夫盡弁以啟金滕之書王出郊天乃雨反風

禾則盡起書漢光武生于濟陽縣是歲有嘉禾

九穗東觀漢記林陶淵明為彭澤令公曰悉令

種秫稻妻子固請種粳乃使二百五十畝種秫

三十畝種粳 宋書

雜著 猗猗嘉禾惟穀之精其洪盈箱協穗殊

莖皆生周廟今植魏廷獻之廟堂以昭祖靈 曹

子建頌 華寔蔽野黍稷盟疇 王維登樓賦 嘉禾

六穗曷積曷蓄 司馬相如封禪頌 野多滯穗畝

有餘糧六穗慙稱于漢臣異畝恥書于周典 柳

子厚賀嘉禾表 秦民歌曰注水一石其泥數斗

且溉且糞長我禾黍 前溝洫志 稻穡麥擘黃梁

些 楚辭 五穀六仞設菰梁 同上

賦詠祖

五言散句

舊穀猶儲今 陶淵明 佳穀垂金穎 陸机

哀年催釀黍白露黃梁熟新炊間黃梁 杜甫

雲嶼鋤畬粟 陸放翁

平疇交遠風良苗亦懷新 陶淵明

春作秫美酒酒熟吾自斟

今年秋應熟過從飽雞黍 東坡

秋風報秋熟萬頃炊糶程

張右史

七言散句

蠶麥俱收穀價平

放翁

眉山遠地蜀山西九穗嘉禾忽效奇

夏英公

裹飯送君吾豈敢黃雲襯袖連東臯

弘文潛

五言古詩

買居宜稼穡戮力東林隈不言春作苦常恐負
所懷司田眷有秋寄聲與我諧飢者歡初飽束
帶候鳴鷄楊檝越平湖從隨青壑迴鬱鬱荒山

裏猿聲聞且悲哀風愛靜夜林鳥嘉農開口余

此來三四星火頽姿年逝已老具事未聞乖

遙謝荷蓀翁聊得從君栖

陶淵明

何處好畬田團團縵山腹鑽龜得兩卦上山燒

卧木下種埵灰中乘陽折牙蘖蒼三兩後苕穎

如雷發

劉禹錫畬田行

斜陽照墟落窮巷牛羊歸野老念牧童倚杖候
荆扉雉雛麥苗秀蚕眠桑葉稀田夫荷鋤至相
見語依依即事美閑逸悵然歌式微

王維田家

父畊原上田子斲山下荒六月禾未秀官家已
修倉鋤田雷日下汗滴禾下土誰念盤中滄粒
粒皆辛苦二月賣新絲五月糶秋穀醫得眼前
瘡剗却心頭肉我願君王心化作光明燭不照
綺羅筵只照逃亡屋

聶夷中田家

田田時雨足鞭牛務深畊選種隨土宜播植糯
與杭條桑去蠹枝柔柔待春榮春事不可緩春
鳥亦鳴

麻麥聞熟刈蚕成繅莫遲更看田中禾良莠時

去之幸此亦日長農事莫敢違願言一歲稔不
受三冬飢
開塍放餘水徑霜穀將實更犁原上疇收麥亦
云畢老叟呼兒童敲林收橡栗乃知田家勤卒
歲無閑日

田事今云休官輸亦已足刈禾既盈囤採薪又
盈屋牛羊各蕃衍御冬多旨蓄何以介眉壽甕
中酒新熟

郭功父田家四時

五言古詩散聯

既多九穗穀復有三秀芝芝以保萬壽穀以養
東菑 宋景文

早稻如倒戈十穗八九折晚禾不及秀日炙根
上烈踏車邀湖水車衆湖欲竭 張文潛

五言絕句

春種一粒粟秋收萬顆子四海無閑田農夫猶

餓死 李紳

未黍不陽艷競栽桃李春翻令力耕者變作弄
花人名實集

五言八句

白露黃泉熟分張素有期已應春得細頗覺寄
來遲味豈同甘菊香宜配紫葵老人他日愛改
想涓流匙 杜甫

田家無五行水旱卜蛙聲牛犢乘春放兒孫候
暖耕泥塘烟未起桑枯雨初晴歲晚香醪熟村
村自送迎 章孝標

縣官清且儉深谷有人家一徑入寒竹小橋穿
野花碓喧春澗滿梯倚綠桑斜自說年來稔前

村酒可賒 鄭谷田舍

井字行都整花香遠已甜穗肥黃俯首芒動紫

椹髯風攪平雲陣聲鬆缺月鎌不愁禾把 高

廩却愁添 楊誠齋

出裏一簞瓢歸收百把禾動勞解堪忍餘假吏

吟哦歲惡增困家貧賴汝多村醪莫辭醉羹芋

學岷峨 陸放翁

種秫供留客移花待探春愁邊開樂國鬧裏作

閑身鬢髮今如此頭顱莫問人白鷗非避俗野

性自難馴 陸放翁

七言古詩

牛吒吒田确确早塊敲牛蹄趵趵種得官倉珠

顆穀六十年來兵簇簇月月倉糧車轆轤一日

官軍收海服驅牛駕車食羊肉歸來收得牛兩

角重鑄鋤犁作斤劓姑舂婦擔輸促促輸官不

足歸賣屋農死有兒牛有犢不遣官軍糧不足

元稹田家詞

老翁家貧在山住畊種南山三四畝苗疏稅多

不得食輸入官倉化為土歲暮鋤犁倚空屋呼
兒登山收橡栗西江賈客珠百斛屋中養犬長
食肉

張籍

歌元豐十日五日一雨風麥行千里不見土連
山沒雲皆種黍水秧綿綿復多稌龍骨長乾掛
梁枳鮒魚出網蔽洲渚荻笋肥日勝牛乳百錢
可得斗酒許雖非社日長聞鼓吳兒踏歌女起
舞但道快樂無所苦老翁整水西南流楊柳中
間棹小舟棄興歌眠過白下逢人歡笑得
秋

荆公歌元豐

翻翻聯聯銜尾鴉犖犖确确蛻殼蛇分畦翠浪
走雲陣刺水綠鉞抽稻芽天公不念老農泣喚
取阿香推雷車

東坡水車

春雲濛濛雨淒淒春秋秧欲老翠剡齊嗟我婦子
行水泥朝分一壠暮千畦腰如筮篲首啄雞筋
煩骨殆聲酸嘶我有銅馬羊自提頭尻昂軒腹
脇低皆如覆瓦志角圭以我兩足為四蹄聳踊
滑汰如鳧翳纖纖束藁亦不齊何用繁纓與月

題却從哇東走哇西山城欲問聞鼓聲忽作的
盧躍檀溪歸來掛壁從高柶子無葛秣飢不蹄
少壯騎汝速老鷲何曾蹶軼防顛擠錦韉公子
朝金閨笑我一生躡牛犁不知自有木駃騠東
坡秧馬歌

今年稷稻熟若蓬無見霜風來兒時霜風來時
雨如瀉把頭出茵錄生衣眼枯淚盡雨不盡忍
見黃穗卧青泥茆苦一月隴上宿天晴穫稻隨
車歸汗流有頰載入市價賤乞與如糠粃賣牛

納稅折屋炊慮淺不及明年飢官今要錢不要
米朱西北萬里招羌兒龔黃滿朝人更苦不如却
作河伯婦東坡田婦歌

鳩婦勃暎農荷鉏身披襤襖頭茅蒲雨不破塊
田拆圖梯稗青青佳穀枯大婦碓舂頭髮疎小
婦搭樾行餉姑四時作苦無袴襦門前叫嗔官
索祖洪駒父

田夫拋秧田婦接小兒拋秧大兒插笠是兜鍪
蓑是甲雨從頭上濕到胛喚渠朝餐歌丰稔低

頭折腰只不答秧根未牢蔣未匝照管鵝兒與
雞鴨

楊誠齋揀秧歌

農夫怨農夫怨此怨非是怨年荒此怨翻因年
穀賤終年辛苦不少懈及到秋成擬償債誰知
斛粟不百錢利尚不償本仍在秋來露冷刈穫
時早是朝來債又催况兼荒政輸官急不管農
夫垂淚泣君王明哲洞無遺莫怨君王知不知
趙竹所

七言古詩散聯

鞭地如鏡築我場破礮玉粒輸官倉九月野空
天欲霜甑中初喜炊粳香

陸放翁

七言絕句

稻穗登場穀滿車家家雞犬更桑麻謾栽木種
成籬落也得清陰又得花
週遭圩岸潦城一眼圩田翠不分行到秋苗
初熟處翠錦上織雲
古來圩岸護隄防岸岸行行種綠楊歲樹久根
無寸土綠楊走入水中央

震字應立
紅字下

種茶巖接紅塢灌稻泉生白石根
皤腹老霞翁
眉似雪海棠花下戲兒孫
滕白

高田大麥接山青傍水低田綠未耕桃杏滿林

春似錦踏歌推鼓過清明
范石湖

二頃春蕪廢不耕半生名宦竟何成
歸來每羨

鄰家樂月下風傳打稻聲
陸放翁

翁携襜褕去栽秧婦踏縲車
日夜忙終歲几曾

身飽暖逢人猶自說農桑
黃漱潤

七言八句

田底泥中跡尚深折花和葉挿畦心
晚秧初撚

全栽線先種輸他綠針玉雲瓏霧疇俱
水響絲

風毛雨政春陰莫聽布穀相煎急
且為提壺強

滿斟
楊誠齋

阿香一笑走豐隆雨道平時疇萬頃
中舊喜樊遲

知學圃今看許子快論功
遙憐鬱鬱翻秋隴預

想垂垂弄晚風珍重詩翁且強健
東阡南陌興

無窮
朱文公和種粟

稻

事實祖

碎錄

秔稻屬也

說文

秔也

廣雅

秔亦稻也

爾雅

稻穗謂之禾

廣雅

有紫芒稻赤糠白米稻

稻已割而復抽曰稻孫十月獲稻

七月

季秋之

月天子乃以犬膏稻先薦寢廟

月令

祭宗廟之

禮稻曰嘉蔬

曲禮

紀要

魏文帝與羣臣語曰江表惟長沙有好

米何時新粳稻出耶風吹之五里聞香

魏志

夏

香有盜刈稻者香助收之盜者暫送以還香香

不受

會稽志

李百藥隋內史德林之子七歲能

屬文父友陸

等共讀徐陵文有刈琅琊之稻

之語歎不得其事百藥進曰春秋郵籍稻杜預

謂在琅琊客大驚

本傳

雜著國稅再熟之稻鄉貢八蠶之綿

吳都賦

厨膳則有華鄉重柜淫皋香杭

東都賦

賦詠祖

五言散句

粳稻共比屋

家纔足稻梁

杭稻熟天風

膏稻雪翻匙

稻梁求未足

獲稻空雲水

祿米牙麩稻

浙玉炊香粳

刈稻擔有穎

白甌貯香杭

東渚雨今足佇聞杭稻香

柴扉臨野碓半濕楊香杭

國馬竭粟豆官鷄輸稻梁

穰秬百頃稻西風吹半黃

七言散句

白樂天

杜甫

韓

李頎

杜甫

杜牧

香稻啄殘鸚鵡粒

稻米流脂梁米白

杜甫

荒畦九月稻又牙

浮浮大甑膏炊玉

東坡

都城一飯炊白玉

稻陂雨細豐年候

放翁

壓脍霜稻報豐年

鎌響駕鵝野日天

宋景文

五言古詩

東屯大江西北百頃平若按六月青稻多千畦碧

泉亂挿秧適云已引溜加溉灌更僕往方塘決

渠當斷岸公私各地着浸潤無天旱主守問家

臣分明見溪畔竿竿炯翠羽刻刻生銀漢鷗鳥

鏡裏來關山雪邊着秋菰成里米精鑿傳白餐
玉粒定晨炊紅鮮任霞散終然添旅食作苦期
壯觀遺穗及衆多我倉戒滋蔓

杜甫

五言八句

香稻三秋米平田百頃間喜無多屋宇幸不碍
雲山御袂侵寒氣嘗新破旅顏紅鮮終日有玉
粒未吾慳

杜甫

有色如銀

杜甫

復作歸田去猶賤獲稻功築場憐穴蟻拾穗許
村童落杵光輝白除芒子粒紅加餐可扶老倉
廩慰飄蓬

杜甫

樂府祖

點絳脣 霜落吳江萬畦香稻禾場圃夜村
處茅屋寒燈雨 玉粒長腰沉水溫溫注相留
住共妙雲子更聽歌聲駐

曹文寵

全芳備祖卷之二十

後集

全芳備祖卷之二十一

後集

天 台 陳景沂 編輯
建安 祝 穆 訂正

農桑部

米 附粟

事寔祖

碎錄 米之精者曰粲 說文 庶民乃粒 注 米食

田熟益稷粟嘉穀寔也 粟之為言續也 說文

紀要 子路見于孔子曰昔者由也事二親之

時常食藜藿之食為親負米百里之外親沒之
後南遊于楚從車百乘積粟萬鐘欲食藜藿為
親負米不可得也家語淵明為彭澤令郡遣督
郵至軍吏白應束帶見之潛嘆曰我不能為五
斗米折腰向鄉里小兒即日解印綬賦歸去來
以遂其志本傳蘇秦謂楚王曰楚國之食貴于
玉薪貴于桂之云食玉炊桂戰國策東方朔言
臣若無用宜棄捐無令索長安米本傳魯肅以
振窮士為務甚得他人歡心三國志周瑜為居

巢長將數百人過故侯肅并求資糧肅家有困
米各三千斛乃一指困與瑜瑜益知其奇也遂
相親結僑禮之分本傳吳全琮父柔為桂陽守
使琮齎米數千斛至吳交易琮皆振給士大夫
空船而還柔奇之本傳王修齡貧乏陶胡奴為
烏程令送米一船答曰王修齡飢自就謝仁祖
索食不須陶胡奴送米世說齊劉懷惠為齊郡
守人有餉新米一斛者懷惠出所食麥飯示之
曰食有餘幸不煩此同上梁張率為新安太守

遣家僮載米三千石還宅及至遂耗其半率問其故答曰鼠雀耗率笑曰壯哉鼠雀不問梁書梁庾詵嘗乘舟從山舍還載米百五十石有人寄載三十石至宅寄載者曰君三十石我百五十石詵默然不辨恣其取足世說沈約少貧于宗黨得米數百斛為宗人所侮覆米而去及貴不以為憾梁書唐太宗貞觀初戶不及三百萬絹一疋易粟一斗至四年米斗三四錢人行數千里不齎糧本紀顏魯公乞米于李大夫帖云

為粟字

拙于生事舉家食粥而已實用憂煎法帖陽城嘗絕糧遣奴求米奴求米奴以米易酒醉卧於路城與弟迎之奴未醒乃負以歸及覺痛咎謝城曰寒而飲何害焉本傳粟武王發鉅橋之粟武成武王平商天下宗周伯夷仲齊恥之義不食周粟隱於首陽山采薇而食史記鄭飢而未及麥民病子皮以子展之命餼國人粟戶八鐘左傳晉荐飢乞糴于秦伯秦伯輸粟于晉自雍及絳命之曰泛舟之役左傳鄒穆公有令食鳧

雍者必以糝無敢以粟鳧雁無食而以一石粟
易一石糝其費甚矣請以粟食之公曰非爾所
知也夫百姓餉牛而畊曝背而耘勤而不敢惰
者豈為鳥獸食哉粟亦人之上食也奈何其以
養鳥汝知小計而不知大害韓非子季桓子以
粟十鐘餼夫子受而須諸門人之無者子貢曰
季孫以大夫之貧也而致粟今而施矣乃厥意
乎子曰我受而不辭為季孫之惠受而惠非一
人不亦宜乎家語子思居貧其友有饋之粟者

受二車焉或獻以樽酒束脯子思曰為費而不
當也或曰子取人粟而辭酒是辭少而受多于
義無名于分則不全行之何也子思曰然彼不
幸而冒至於困乏得不絕先人之祀所以受粟
焉周之也酒脯則所飲燕也方為食而乃飲燕
非義也度義而行之可也家語郭騷見管子託
以養母管子分食粟府金以遺之騷辭金受粟
管子莊周往貸粟於監河侯曰諾我以金貸子
周忿然曰若乃言不如早索我于枯魚之肆矣

莊子 高平王遣使者從魏文侯貸粟文侯曰須
吾租粟至乃可也使者曰如魚張口待水止呼
吸間者若待決淮河之水必求吾于枯魚之肆
矣 說苑 田釐子乞為齊大夫收賦稅于民以小
斗受之出粟于民以大斗行陰德于民由此得
齊衆心田乞卒子常立復修釐子之政以大斗
出貸以小斗收齊人歌之 惠子 商君以金生粟
遂致金粟兩生倉府兩寔國是以強 史記 有任
氏為倉吏秦敗豪傑爭取金玉而任獨害倉粟

楚漢相距滎陽氏不得畊其米貴是時豪傑金
玉盡歸任氏以比起富 史記 酈食其說高祖

曰款倉天下轉輸久矣急據敖倉之粟 本傳 炎

漢之興七十餘年太倉之粟陳陳相因充溢露

積于外至腐敗而不可食 食貨志 淮南王死民

歌曰一斗粟尚可舂兄弟二人不相容 本傳 晁

錯建策令民入粟塞下拜爵 漢書 晁錯說文帝

曰方今之務莫若使民務農在于貴粟貴粟之
道在于以粟為賞罰令天下納粟縣官得以拜

爵除罪 本記 武帝末年悔征伐之事下詔以趙

高為搜粟都尉 本記 武帝建元四年天雨粟宣

帝地節三年長安雨黑粟又南陽山都縣雨粟

色青黑味苦大者如小豆小者如麻子 古今注

河內失火上使汲黯視之還報曰河內水旱或

子相食臣謹發河內倉粟以賑貧乏 本傳 東方

朔曰侏儒長三寸餘俸一囊粟錢三百四十臣

朔長九尺餘亦一囊粟錢三百四十侏儒飽欲

死臣朔飢欲死也 漢書 諸葛亮聞孫恪代位以

書與陸遜曰家兄年老而性疎今使典糧穀糧

穀者軍之最要也僕在遠切用不安 江表傳

雜著 杜子美稻畦詩秋菰成黑米精繫儲白

粲精繫出左傳粲食不繫謂治米使白也 詩話

杜詩云玉粒足晨炊紅鮮任霰散紅鮮言飯紅

潤之色又收稻詩云紅鮮終日有玉粒吾慳今

有一種紅米即此謂也 詩話

賦詠祖

五言散句

楊玉粒下脫
未字

古人供飯米

瘦地翻宜粟

杜甫

乞米助饋錫

荆公

七言散句

鳥雀苦肥春菽粟

杜甫

五言古詩

舉家鳴鵝雁突冷無晨炊大貧丐小貧安能不

相嗤幸存顏氏帖况有陶公詩乞米與乞食皆

是前人為

梅堯臣貸粟于如晦

七言古詩

腦中儲畜百事利第一先春年計米群呼步唯

滿門庭運忤成風雷動地節箕健無糶糠百

斛只費三日忙齊頭圓潔箭子長隔籬耀日雪

生光上倉瓦籠分蓋藏不蠹不腐常清香去年

薄收飯不足今年頓頓吹白玉春畊有種夏有

糧接到明年秋刈熟鄰叟來觀還嘆嗟貧人一

飽不可賒官租私債絲如麻有米冬春能幾家

范石湖冬春行

有虞有宋雙重華雨聖一心民一家綠秧刺水

農事起重華愁旱從此始黃雲登場萬寶收重
華對天却了愁二十八年臨玉座大丰先陰愁
裏過天顏憂喜丞相知常平使者陳便宜倡為
社倉首建溪貯江吳承君師伯霜仲雪發爾私
支奇虐魅手莫施活幾人子幾凍黎詔子又孫
孫又子箇是重華聖人意無論十世千百世
誠齋題社倉

七言古詩散聯

先生結髮憎流俗閉門不出動一紀至今鄰僧

乞米送僕奉縣令能不恥

韓愈贈盧仝

七言絕句

盧仝不出憎流俗我卜郊居避俗僧
今有鄰僧來乞米我今送米乞鄰僧

王荆公

麥

事定祖

碎錄 來小麥也 牟大麥也

廣雅

麥有大麥小

麥 麥 麥 麥 四種 大麥 久食 令人肥白 滑肌膚
為麩 勝小麥 無躁熟

本草

於皇來牟將受厥明

明昭上帝迄用康年

臣工

我行其野芄芄其麥

載馳麻麥懞懞

詩

禾麻菽麥

七月

植穉菽麥

閔

宮季春天子乃登麥祈實

月令

孟夏麥秋至

月

今孟夏之月農乃登麥天子乃以歲嘗麥先薦

寢廟

月令

北人雷新麥初熟取以炒乾磨為粗

麩而乾食之禮部韻作麩

齒滔反

注糗也今大

內當麥熟時以黃羅帕封賜百官外題曰麩

或云以蜜漬食尤佳

東坡詩注

紀要 思文后稷克配彼天貽我來牟帝命率

育周頌箕子朝周過故殷墟見而傷之作麥秀

之詩以歌詠之曰麥秀漸漸兮苗黍油油

史記

夏四月鄭祭足帥師取溫之麥

左傳

晉侯夢大

厲公覺召桑田巫曰不食新矣六月晉侯欲麥

使甸人獻麥饋人為之召桑田巫示而殺之將

食張如廝陷而卒

同上

莊八年冬大無麥禾

春

秋春秋他穀不書至于麥禾不成則書之以此

見聖人于五穀最重麥與禾也

前食貨志 宓子

賤為單父宰百姓化之齊人攻魯道由單父單

父老謂曰麥已熟矣今齊寇至人人自收不及請放民皆使出獲可以益糧且不資寇宓子賤不從曰今茲無麥明年可植若使不畊者得獲是使民樂有寇也李孫聞之家語先武自蘇東南馳至南宮遇大風雨帝引車入官舍馮異進麥飯史張堪為漁陽太守勸民畊種以致殷富百姓歌曰桑無附枝麥秀兩歧張君為政樂不可支後漢書漢成帝童謠云小麥青大麥枯誰當獲者婦與姑丈夫何在西擊胡同上高鳳

勤學妻嘗之田爆麥于庭以竿授鳳令護雞受

竿誦讀如故天忽雷雨麥漂去不知東觀漢記

孔文舉為北海相有遭父喪哭泣墓側色無懼

悴文舉殺之又有母病瘡思食新麥家無乃盜

憐熟而進之麥文舉聞之特賞曰不必來謝但

勿盜也盜而不罪者以為勤于母而哭父見殺

者以形慈而寔否秦子魏祖經行麥中令士卒

無敢麥犯者死行者皆不馬扶麥以相行時太

祖馬騰入麥中勅主簿議罪主簿對以春秋之

義罰不加于至尊太祖曰制法而自犯之何以
率不遂拔劍割髮以置地魏志孫權嘗饗蜀使
費禕停食餅索筆作麥賦恪亦請筆作磨賦成
稱善吳志人有中麥毒夢紅囊娘子悲歌有一
丸蘆菴大吾宮之句小說
雜志 久旱復麥秋種未下朕甚憂之光武詔
賦詠祖

五言散句

麥秋晨氣潤

暖風抽細麥文選

麥隴多秀色

主僧達

細麥落輕花

青熒陵陂黍

野多青青麥

山田麥無隴

杜甫

麥黃韻鷓鴣

柔下麥青青黃花入麥稀

文粹

崆峒小麥熟且願休王師

杜甫

梅殘數點雪麥漲一溪雲

小與穿麥去狹徑碍桑田

荆公

不憂無餅餌已幸有襦袴

細築場無隙輕堆磨有音

穎濱

美田鉤肩裹躬稼麥秋餘

劉原父

但見古河東喬麥如鋪雪

漫漫喬麥花如雪覆平野

放翁

七言散句

麥芒如簪黍如烟

李賀

麥芒張大搖青波

厚柳子

寒食離家麥熟還

王建

雪花漫漫麥將熟

放翁

割盡黃雲稻正青

荆公

似法陰爻呈六穗或符陽數效三岐

夏英公

期君正似種宿麥忍飢待食明年麩

東坡

使麥長熟人不飢敢告吾君不須赦

石守道

穿鞋帶笠隨麥隴早日炎炎烟燎顏

晁無咎

蕎花着雨相爭秀 頰迎陽一半舟

孔毅父

夜來更下西風雪蕎麥梢頭萬玉塵

楊誠齋

旅客程一見錯歡喜髻髻吾鄉茉莉花

鄭松窗

吳波亭下繫扁舟輕雨輕寒又變秋

吳履齋

麥秋天氣朝朝變蚕月人家處處忙

盧贊元

五言古詩散聯

春寒風雨湮蚕麥止半熟耕桑未嘗親有獲敢

求足

穎濱

青青已滿瓏
兀兀在伐柯
農功欣嗣歲
節物嗟

騰波

劉原父

五言律詩散聯

天行九五健
歲取十千求
洪洞開金仗
連捲按

玉虬塵清屬
車乳槍密羽
林駒

宋景文廣聖駕

閱刈麥

七言古詩

大麥乾枯小麥黃
婦女行泣夫走藏
東至集壁

西梁洋門誰腰鎌
胡與羌豈無蜀兵
三千人部

領辛苦江山長
安得如鳥有羽翅
託身白雲還

故鄉 杜甫大麥

霜林老鴉開無用
畦東拾麥畦西種
畦西種得

看猗猗畦東已作
牛尾稀明年麥熟
芒攢梨農

夫未食鴉先啄徐
行俛仰若自矜鼓
翅跳踉上

牛角憶昔舜耕
厯山鳥為耘如今
老鴉種麥更

辛勤農夫羅拜鴉
飛起勸農使者來
行水

東坡

鴉種麥

去年麥不熟挾彈規吾肉今年麥上場處處有
殘粟豐年無象何處尋聽取林間快活吟

東坡

五禽言

打麥打麥彭彭魄魄聲在山南應山北五月大
陽出東北纔離海嶠麥尚青轉到天心麥已熟
鷓但催人夜不眠竹鷄喚雨雲如墨大婦腰鎌
出小婦箱逐上隴先將青下隴已成來田家
以苦乃為樂敢憚頭枯面焦黑貴人荐廟已嘗
新酒醴雍容會所親曲終厭飲勞僮僕豈信田

家未入唇盡將精好輸公賦次把升斗求市人
麥秋正急又秧禾豐歲自少凶年多辛苦可奈
何將此打麥詞兼作插禾歌

張芸叟

梅花開時我種麥桃李花飛麥叢碧多病經旬
不出門東坡已作黃雲色腰鎌刈熟趁晴歸明
朝雨來麥沾泥犁田待雨插曉稻朝出移秧夜
食麩

范石湖

城南城北如鋪雪原頭家家種蕎麥霜時收斂
少在家餅餌今冬不憂窄胡麻壓油油更香油

新餅美爭先膏獵歸熾火燎雉兔相呼置酒喜
欲狂陌上行歌忘惡歲小婦紅粧穗簪髻詔書
寬大與天道熟淮南幾誤計觀刈蕎麥陸放翁
苦寒勿怨天雨雪來遺吾明年變三月翠浪
舞東風四月黃雲暗南陌坐看北屋騰歡聲已
覺有司寬吏責腰鎌丁壯傾閭里拾穗兒童動
千百玉塵出磨飛屋梁銀絲入釜須寬湯寒醅
發劑炊麩裂新麻壓油寒且香大婦下機廢農
織小姑佐庖忽晚粧老翁飽食笑捫腹林下擊

壤歌時康

陸放翁

大麥半枯自浮沉小麥刺水鋪線針山邊老農
望麥熟出門見水放聲哭去年冷冷七月雨秋
苗不收一粒穀只今米價貴如玉併日舉家纔
食粥小兒索飯門前啼大兒雖瘦把鋤犁晴時
種麥耕荒隴正好下秧無稻種張子湖
新穀未升陳穀罄宴人麥以為命年今種麥
如去年去年滿屋今空田吁嗟皇天毋乃戾去
年浙右當死歲湘中死寇淮死兵留得東州僅

旅從只今艱食遽如斯豈是造物有乘除我無
一語活四海對之泣下徒沾裾催租官吏如束
濕里正打門急復急安得君眼如月長灼破田
翁簞與笠 陳寅窗

七言古詩

少年食稻不食麥老居穎川稻不足人言少麥
勝西川雪花出磨煮成玉冷陶槐葉冰上齒湯
餅羊羹大入腹 穎濱
場頭雨乾塲地白老翁相呼打新麥半歸倉廩

半輸公免教縣吏相催迫

張文潛

七言絕句

舍西柔桑葉可拈江邊細麥復纖纖人生幾何
春已夏不放香醪如蜜甜 杜甫

麥風翻隴澄濃綠花露滴枝粘老翁小立樓頭
檢春事一絲暖日墜青虫 危逢吉

無邊綠錦織雲機全幅青羅作地衣箇是農家
真富貴雪花銷盡麥苗肥 劉誠齋麥田

黃金割露幾肩歸紫玉炊香一飽肥却破麥田

秧晚稻未教水黏卧斜暉

陸放翁

七言八句

貽年夙昔但聲歌今見郊園樂事多且喜甌婁
符善禱未須蘆菡顰

去聲

妖娥霞觴政自誇真

一香鉢何須問畢羅我欲買牛來學稼不知還

許受塵麼

朱文公

田家望麥在須臾何啻中流濟一壺黑而漫天
殊未已黃雲委地不堪扶禽聲快活真成誤鳩
婦流離空自呼亦笑此翁長負腹又尋杞菊誑

齋盂

方秋崖

樂府祖

滿庭芳 麥隴如雲清風吹破夜來疏雨纔晴
滿川烟草殘照落微明縹緲危欄曲檻遙天盡
日脚初平青林外參差暝靄榮帶遠山橫孤
城春已過綠陰是處時有鶯聲問落絮遊絲畢
竟何成信步蒼苔繞遍真堪付閑客閑行微吟
罷重回皓首江漢渺遺情

葉少蘊

全芳備祖卷之二十一

後集

全芳備祖卷之二十一

全芳備祖卷之二十二

後集

全芳備祖卷之二十二

農桑部

豆

事寔祖

碎錄 菽者豆之總名

物理論

大豆菽也小豆

也豆角謂之莢其葉謂之藿

廣雅

萁豆莖也

說文

采菽采菽筐之筥之

七月烹葵及菽

禾麻菽麥

同詩

紀要 桓公北伐山戎菽遍布天下

管子 子路

曰傷哉貧也生無以為養子曰啜菽飲水以盡

其歡斯謂之孝

禮記

王郎起兵光武自薊東南

馳晨夜草舍至繞陽蕪萋亭時天寒冽衆皆飢

疲馮異上豆粥明旦帝謂諸將曰昨得公孫豆

粥飢寒俱解後帝即位使中黃門賜以珍寶詔

曰倉卒蕪萋亭豆粥滹沱河麥飯厚意久不意

本紀 楊惲與孫會宗曰臣之得罪已三年矣田

家作苦歲時伏臘烹羊魚羔斗酒自勞家本秦

也能為秦聲婦趙女也雅善鼓瑟奴婢歌者數

人酒後耳熱仰天拊缶而歌呼烏烏其詩曰田

彼南山蕪穢不治種一頃豆落而為箕人生行

樂耳須富貴何時

本傳

閔仲叔太原人與周黨

相友黨每過仲叔 共舍菽飲水亦無菜茹

東

觀漢記

魏陳思王曹植字子建文帝同母弟也

帝嘗令王七步中作詩不成者行大法應聲為

詩曰煮豆作豆羹漉菽以為汁箕在釜下燃豆

作釜中泣本是同根生相煎何太急 魏志 劉平
嘗為餓賊所劫叩頭曰老母飢少氣力侍平為
命願得還飯食母馳來就死涕泣發于肝胆賊
即遣去乃撫三斗豆以謝賊 孝子傳 趙達善筭
使人取小豆數升播之席上立知其數 方術傳
郭璞至庖江受 愛 主婢無由而得乃取小豆五升
繞主人舍散之主人晨見赤衣人數千人圍其
家就之則滅甚惡之請璞為卦璞曰君家不宜
畜此婢可於東南二十里賣之慎勿爭價則此

崇可除主人從之 本傳 石崇作萍虀豆粥吐嗟

而辨 晉書 石勒諱胡凡有胡名皆改胡餅曰麻

餅胡綏曰綏胡豆曰豆 鄴中記

雜著 孟秋嘉菽垂枝從英是刈是獲充筐盈

筐 張翰豆羹賦

賦詠祖

五言散句

豆子雨已熟 杜甫 宿雨肥豆莢 放翁

敢辭茅葦滿已喜黍豆高 杜甫

七言散句

南山豆苗早荒穢青門瓜地新凍裂

白氏集

道邊籬落遮眼白白紅紅扁豆花

楊誠齋

碧綠高壓涎滑萼脆響平欺辛螯

方秋崖

五言古詩

種豆南山下草盛豆苗稀晨興理荒穢帶月荷

鋤歸道狹草木長夕露沾我衣衣沾不足惜但

使願無違

陶淵明

弱年逢家乏老至更長飢菽麥寔所羨孰敢慕

甘肥怒如思無飯當暑厭寒衣歲月將欲暮如

何辛苦悲常善粥者心深恨蒙袂非嗟來何足

吝徒沒空自遺斯濫豈彼志固窮昔所歸餒也

已矣夫在昔余多師

陶淵明

五言古詩散聯

相携行豆田秋花靄霏霏子寔不得喫貨市送

王畿盡添軍旅用迫比公家威

杜甫

七言古詩

君不見滹沱流漸車抽軸公孫倉皇奉豆粥濕

薪破灶自燎衣飢寒頓解劉文叔又不見金谷
敲冰草木春帳下烹煎多美人萍薤豆粥不傳
法吐嗟而辨石季倫干戈未解身如寄聲色綢
纏心已醉身心顛倒自不知更識人間有真味
豈如江頭千頃雪芦茅簷出沒晨烟孤地確春
杭光似玉沙瓶煮豆軟如酥我老比身無着處
賣書來問東家住卧聽鷄鳴粥熟時蓬頭曳履
君家去

東坡豆粥

七言八句

翠篋中排淺碧珠甘欺崖蜜軟欺酥沙瓶新熟
西湖水榛櫺分膏曉露腴味與櫻桃三友益名
因蚕繭一絲絢老夫稼圃方雙學譜入詩中當
稼書

楊誠齋蚕豆詩

桑附麻

事寔祖

碎錄

女桑積桑壓桑山桑

爾雅

遵彼微行爰

求柔桑

詩

蚕月條桑取彼斧戕以伐遠揚

星

言夙駕稅于桑田

無踰我墻無折我樹桑

食我桑椹懷我好音 孟詩 桑土既蚕 厥貢縻

絲 孟書 其亡其亡翳于苞桑 易 季春之月命野

虞無伐桑柘鳴鳩拂其羽戴勝降于桑具曲植

籩筐后妃齋戒親東鄉躬桑禁婦女毋觀省婦

使以勸蚕事蚕事既登分繭稱絲效功以供郊

廟之服無有敢惰 月令 古者天子諸侯必有公

桑蚕室近川而為之築宮仞有三尺棘墻而外

閉之夫人世婦之吉者使入室蚕奉種浴于川

桑于公桑風戾以食之 註戾燥也蚕性忌濕 既

單矣世婦奉蚕繭以示于君遂獻繭于夫人 祭

義 宅不毛者有里布 注 謂不植桑麻也欲令宅

植桑麻則無稅賦以勸之不植桑麻之毛者則

罰以二十五家之稅布 周禮 麻枲麻麤枲定麤

子麻母 爾雅 有倉麻有緝麻二種 草木記 仲秋

之月天子乃以大嘗麻先荐寢廟 月令 天子居

總章服白玉食麻與犬 同上 蓬生麻中不扶自

直 紀要 伊尹生于空桑 列子 晋公子重耳出奔

齊桓公妻子將行舅犯等謀于桑下奄妾在上
聞以告姜氏姜氏殺之謂公子曰子有四方之
志其聞之者吾殺之矣左傳趙宣子曰于首陽
山舍于翳桑見靈輒餓曰不食三日矣為携簞
食與肉寔諸橐以與之既而與為公介倒戟以
禦公徒而免之問何故曰翳桑之餓人也問其
姓名不告而去遂自亡也左傳晉文公會欲伐
衛公子鉏仰而笑公問之曰臣之鄰人有送其
妻適私家者道見桑婦悅而與言然顧其妻亦

有招之者矣臣竊笑此公悟其言引師還未至

而有伐其北鄙者

列子

子產聞私植桑鄭人訾

謗

韓非子

鄒魯濱洙泗猶有先王之遺風其民

情頗重桑麻之業

貨殖傳

齊帶山海膏壤千里

宜桑麻與千戶侯等

上同

齊宿瘤女東郭採桑

之女項有大瘤閔王游至東郭百姓盡觀宿瘤

女採桑如故王恠問之對曰受父母教採桑不

受教觀王王曰此奇女悅而聘之

列子

吳公子

光伐楚拔居鑠鍾離初楚邊邑卑氏之處女與

吳邊邑之女爭桑二女家相怒咥兩國楚邊邑
長聞之怒而攻吳之邊邑吳王怒遂伐楚兩都
國語魯秋胡子納妻五日而官於陳後歸未至
家見路傍有美婦方採桑秋胡悅之下車願托
桑陰下婦人採桑不顧胡曰力田不如逢年採
桑不如見郎我有黃金願與夫人而夫人不受
胡乃歸母呼其婦乃向採桑者也數胡之罪而
自投于河列女傳邯鄲有美女姓秦名羅敷為邑
人王仁妻後為趙王家令羅敷出採桑于陌趙

王登臺見而悅之因飲酒欲奪焉羅敷善彈箏

作陌上桑之歌以自明崔豹古今注晉大夫使

于宋過陳遇採桑之女止而戲曰女為我歌我

將告女女乃歌曰墓門有棘斧以斯之夫也不

良國人知之晉詩漢魯恭為中牟令雉馴于桑

下後漢書蔡君仲汝南人至孝王莽亂人相食

君仲取桑椹赤黑異器賊問仲仲答曰黑者供

母赤者自食賊義之遺二斗同上陳留申屠

蟠恥無義士遂閉門養志蓬戶茅室依大桑樹

以為棟梁

後漢書

汝南尹昆為陰縣功曹令新

到官問曰園中有桑以食蚕何如昆曰非初至

所當務

謝承後漢書

蜀先主舍東南角南有桑

高丈餘遙望如小車蓋先主曰我必當乘此羽

葆車蓋叔父曰勿妄言以滅我門

蜀志

龐士元

師事司馬德操不矜少名眾莫知之德操蚕月

躬採桑後園士元助之因與談世廢興其言如

神遂移日忘餐德操于是異之

三國志

齊太祖

在武進其宅有大桑樹高三丈橫出四枝如車

蓋太祖數歲遊于下從兄謂之曰此桑為汝生

也

北史

諸葛亮自表後主曰成都有桑八百枝

薄田十五頃子弟衣食自有餘饒臣死之日不

使內有餘帛外有餘財以負陛下

本傳

何祇夢

桑生井中趙直占曰桑字四十八君壽不過此

矣果然

史

尉遲敬德贊曰桑蔭未徙而大功立

本傳

李龍譽嘗謂子弟曰我負郭有田千頃能

耕之足以食河內千株桑蚕之足以衣我歿後

能勤此無資于人矣

本傳

雜著 綠葉興而盈尺 崇條蔓而增尋 陸机 桑

賦 黝之桑柘 文選 土地平曠有良田美池桑之

屬 桃源記 桑麻以衣之 仲舒策

賦詠祖

五言散句

桑柘起寒煙 謝眺 蚕眠桑葉稀 王維

宅邊有桑葉 張籍 桑麻深雨露 杜甫

桑麻深雨露 桑柘綠如雲

吳地桑葉綠 三眠麥正熟 李白

桑柘葉如雨 飛藿共徘徊 杜甫

秦地羅敷女 採桑綠水邊 李白

二月起蚕事 伐桑又阻飢 梅聖俞

隴上麥頭昂 林間桑子落 東坡

兩淮蚕室地 不復長桑芽 劉後村

到底農桑好 營營愧此生 吳履齋

力勤及黍稷 得種麥與麻 杜甫

煖分煨芋火 明借緝麻燈 劉禹錫

七言散句

舍西柔桑葉可拈

杜甫

野蚕食葉還成繭

張籍

一村桑柘一村烟

前人

繅成白雪桑重綠

荆公

自斷此生休問天

杜甫

韋曲幸有桑麻田

唐子西

麥隴雪苗寒剡剡

張大潛

柘林霜葉暮飈飈

前人

桑間椹熟麥齊腰

張芸叟

鶯語惺忪野雉驕

林逋

隔籬犬吠窺人過

李商老

滿簿蚕飢待葉歸

張芸叟

洲中未種千頭橘

張芸叟

宅畔先栽百本桑

張芸叟

中分邗斷道邊橫

林逋

枝幹雖枯葉尚榮

李商老

雨足人家插稻秧

李商老

蚕家隣女采桑忙

李商老

桑柘村村烟樹濃

劉改之

新秧刺水麥梳風

劉改之

知是人家蚕事早

趙紫芝

路傍桑葉小如錢

趙紫芝

莫道春隨風雨過

何潛齋

化工昨夜到桑麻

何潛齋

轉蕙風吹禊亭竹

趙庸齋

採桑日照女筐懿

趙庸齋

二月人家蚕事早

何小村

屋頭先辦採桑梯

何小村

五言古詩

伐耕本非望所業在田桑躬親未嘗替寒餒膏

糟糠豈期過滿腹但願飽粳糧樂冬足大布粗

絺以應陽正爾不能得哀哉亦可傷人皆盡獲

拙生失其方理也可奈何且為陶一觴

陶潛

種桑長江邊三年望當採枝條始欲茂忽值山
河改柯葉自摧折根株浮滄海春蚕既無食寒
衣欲誰待本不植高原今日復何悔

陶潛

日出東南隅照我秦氏樓秦氏有好女自名為
羅敷羅敷善蚕桑採桑城南隅青絲為籠繩桂
枝為籠鈎觀者見羅敷下擔將^持鬢髮少年見羅
敷脫巾着頭耕者忘其耕鋤者忘其鋤使君
從南來五馬立踟躕羅敷年幾何二十尚未滿

十五頗有餘使君謝羅敷寧可共載否羅敷亦
致辭使君一何愚使君自有婦羅夫自有夫東
方千餘騎夫婿居上頭何以識夫婿白馬從驪
駒清絲繫馬尾黃金絡馬頭腰中湛盧劍可直
千萬餘十五府小吏二十朝大夫三十侍中郎
四十專城居為人潔白皙白皙頗有鬚盈盈公
相步冉冉府中趨坐中數千人皆言夫婿殊
洛陽城東路桃李生路傍不知誰家子提筐行
採桑織手折其枝花落何飄颻高秋八九月白

羅敷

露變為霜終年會飄墜安得久馨香何如盛年
去驩如永相忘我欲意此曲此曲愁人腸歸來
酌美酒挾瑟上高堂

後漢宋少侯

野外罕人事窮巷寡輪鞅白日掩荆扉虛空絕
塵想時復墟曲中披草共來往相見無雜言但
道桑麻長桑麻日已長土物日已廣常恐霜霰
至零落同草莽

淵明

游女相綺衣春還蚕事作五馬似花飛青絲結
金絡不知誰家子調笑來相謔妾本秦羅敷玉

顏艷名都綠條映素手採桑向城隅使君且不
顧况復論秋胡寒蛩愛碧草鳴鳳棲青梧托身
自有處但怪旁人愚徒勞白日暮高架空躊躇

李白陌上桑

出自蒯北門遙望湖池桑枝枝自相植葉葉自
相當春色映空來先發院邊梅寄語採桑伴訝
今春日短枝高攀不及細葉籠難滿

梁簡文帝

桑女不勝愁結束下青樓逐伴向西路相携南
陌頭蚕飢日已暝詎為使君留

梁劉遜

賤妾愚不堪採桑渭城南帶減遭枝瘦髮亂鳳
凰簪無由報君信流涕向春蚕
今日門和景處處動春心挂筐須葉滿息捲重
枝陰梁王台卿
谿橋接桑畦鉤籠羣曉過今早去何早向晚蚕
恐卧王文公
五言絕句
向晚携籠去桑村路隔淮何如聞百草歸取鳳
凰釵

地僻柴桑古人亡松菊存不如彭澤令歸去有
田毛達可

七言古詩

朱城璧月啟朱扉青樓含照本暉暉遠映陌上
春桑葉斜入人家綉綺衣羅敷粉妝能佳麗鏡
前新梳倭墮髻園籠裊裊挂青絲鉄鉤冉冉勝
丹桂蚕飢日晚暫生愁忽逢使君南陌頭五馬
停騎遣借問雙臉含嬌好羞妾壻府中經小
吏郎今來往專城裏欲識東方千騎歸藹藹日

暮紅塵起

晴採桑雨採桑田頭陌上家家忙去年養蚕十分熟蚕娘只着麻衣裳

七言絕句

夾岸瀕河種樺桑春風吹出萬條長船行老眼渾多忘喚作西湖棹拒霜

楊誠齋

樂事新年憶錦城城南麻布試春行如今老病茅簷底卧聽兒童嚇雀聲

陸放翁聞隣村守麻

七言八句

三分天下二分田枉被西南雨露天接野荆管

官陌透蓬桑棗誠民阡去程削斷行人迹驚

觀頻過猛獸邊彈壓官軍早屯宿曉吹崖律汲

河塹 陳肥遜

樂府祖

憶秦娥 着春衫玉鞭鞭馬南城南城南柔

桑草留住金街粉娥採葉供新蚕蚕飢畧許

携纖纖携纖纖湔裙淇上吏待初三 賀方回

錦纏頭 雨過園林觸處落紅凝綠正桑葉齊

如沃嬌羞只恐人偷看背立墻陰漫展纖纖玉
聽啼鳩幾聲耳邊相從念奎飢四眠初熟勸路
傍立馬莫踟躕是那裏唱道秋胡曲

全芳備祖卷之二十一

